

## Starfskjarastefna fyrir Isavia ohf.

### 1. Tilgangur

Starfskjarastefna Isavia ohf. er sett samkvæmt 79. gr. a. laga nr. 2/1995 um hlutafélög, sbr. 3. gr. laga nr. 89/2006, og byggir hún á meginreglum sem gilda um góða stjórnarhætti fyrirtækja, almenna eigendastefnu ríkisins, langtímahagsmunum félagsins og hámörkun arðsemi fyrir hluthafa félagsins.

Markmið Isavia ohf. er að gera starf hjá féluginu að eftirsóknarverðum kosti fyrir starfsfólk og þar með tryggja féluginu stöðu í fremstu röð. Til þess að svo megi verða er nauðsynlegt að stjórn félagsins hafi heimild til að bjóða laun og aðrar greiðslur sem tíðkast hjá sambærilegum fyrirtækjum á markaði. Laun hjá féluginu eiga að vera samkeppnishæf, en hófleg og ekki leiðandi.

Með starfskjarastefnu þessari vill félagið tryggja að þessum markmiðum verði náð auk þess að veita hluthöfum aukin áhrif yfir og innsýn í stefnu félagsins varðandi starfkjör stjórnenda og stjórnarmanna.

### 2. Kjör stjórnarmanna

Stjórnarmenn skulu fá greidda fasta mánaðarlega þóknun fyrir störf sín. Þóknun stjórnarmanna og varamanna þeirra skal ákveðin á aðalfundi ár hvert svo sem kveðið er á um í 79. gr. a laga um hlutafélög. Gerir stjórnin tillögu um stjórnarlaun fyrir komandi starfsár og skal í þeim eftum taka mið af þeirri ábyrgð sem á stjórnarmönnum hvílir, þeim tíma sem varið er til stjórnarstarfa, afkomu félagsins og að teknu tilliti til almennrar launaþróunar.

### 3. Starfskjör forstjóra

Gera skal skriflegan ráðningarsamning við forstjóra. Grunnlaun og aðrar greiðslur til forstjóra skulu ávallt vera samkeppnishæf á markaði og taka mið af hæfni, ábyrgð og umfangi starfans. Önnur starfskjör skulu vera svo sem tíðkanleg eru hjá sambærilegum fyrirtækjum, svo sem greiðslur í lífeyrissjóð, orlof, afnot af bifreið og uppsagnarfrestur. Við ákvörðun uppsagnarfrests í ráðningasamningi má hafa sérstök ákvæði um lengd uppsagnarfrests sem tekur mið af starfstíma forstjóra.

Grunnlaun forstjóra skulu endurskoðuð árlega og skal við slíka endurskoðun höfð hliðsjón af mati stjórnar á frammistöðu forstjóra, þróun launakjara almennt í sambærilegum fyrirtækjum og afkomu félagsins.

Við gerð ráðningarsamnings við forstjóra skal haft að leiðarljósi að ekki komi til frekari greiðslna við starfslok en fram koma í ráðningarsamningi.

WIT NMG  
JFHL  
MMP

#### 4. Starfskjör framkvæmdastjóra

Forstjóri ræður framkvæmdastjóra einstakra sviða félagsins í samráði við stjórn félagsins. Við ákvörðun starfskjara framkvæmdastjóra gilda sömu sjónarmið og rakin eru í 3. gr., svo sem forstjóri ákveður en hann skal einnig gæta þess að starfskjör stjórnenda taki mið af samræmingu starfskjara innan félagsins.

#### 5. Kaupaukar

Heimilt er stjórn að greiða stjórnendum og starfsmönnum árangurstengda kaupauka og skulu þeir miðast við frammistöðu viðkomandi starfsmanns, afkomu félagsins, mikilvæga áfanga í rekstri og starfsemi félagsins þar á meðal hvort settum markmiðum hefur verið náð. Slík breytileg laun, önnur en föst laun, skulu vera í eðlilegu hlutafalli við laun viðkomandi og skulu ekki vera hærri en sem nemur einum mánaðarlaunum á ári.

#### 6. Upplýsingagjöf

Gera skal grein fyrir launum og öðrum starfskjörum stjórnar og æðstu stjórnenda í árskýrslu félagsins.

Starfskjarastefnu þessa skal birta á heimasíðu félagsins.

#### 7. Samþykkt starfskjarastefnu

Þessi starfskjarastefna Isavia ohf. er leiðbeinandi fyrir félagið og stjórn þess, mæli lög ekki fyrir um annað, og tekur í aðalatriðum til þeirra þáttu sem nefndir eru hér að ofan. Starfskjarastefnan skal samþykkt á aðalfundi félagsins með eða án breytinga. Hafi verið vikið frá starfskjarastefnunni í veigamíklum atriðum skal stjórn félagsins færa slík frávik til bókar í fundargerðarbók ásamt rökstuðningi. Skal og gera næsta aðalfundi grein fyrir slíkum frávikum.

Þannig samþykkt á aðalfundi Isavia ohf. þann 5. apríl 2018

Reykjavík, 5. apríl 2018

Í stjórn Isavia ohf.

*Ingunn Ólafsdóttir  
Vellirna Hallberg  
Eva Pandora Bellmundsdóttir  
Nanna M. Gunnlaugsdóttir*